

Kiwanis Club of Young Professionals Aruba a instala directiva nobo



ORANJESTAD – Duran-
te un anochi ameno cu e
tema di aviacion Kiwanis
Club of Young Profes-
sionals Aruba (KYPA) a
instala nan directiva nobo
pa e aña kiwanistico 2019-
2020. Esaki a tuma luga na
e prestigioso hotel Hyatt
Place Aruba Airport. Un y
tur a sa di gosa di un ano-
chi relajante y anima.

Den e hunta directiva nobo a
keda instala como Director of
Education: Karem Rasmijn,
kende lo ta encarga pa educa
e miembronan mas over di
Kiwanis y otro tema nan di
interes. Como Director of
Fundraising a keda instala:
Joanne Christiaans, kende lo
tin e tarea pa organisa evento
nan pa genera fondo pa asina
e club por sigui duna bek na
comunidad. Tambe ta forma
parti di e board como Direc-
tor of Public Relations: Nyla-

mee Wang, kende ta encarga
pa duna cualkier informacion
na e publico en general to-
cante KYPA. Roel Gomez ta
keda instala como Director of
Youth & Community, cual ta
e comision encarga cu reali-
sacion di proyectonan pa nos
comunidad. Y como Director
of Recruitment & Retention
a keda instala: Jolitza Limon-
nier kende ta encarga pa e
parti di miembro nan nobo y
organisa eventonan social pa
e miembronan existente.

Locual ta wordo yama Board
of Officers a keda instala
como presidente saliente,
Sherellise Ras. Como Vice
Presidente y tambe tesorero
a keda instala Maurits Ras.
Como Presidente electo y
Secretaria a keda instala Il-
iën Hernandez y por ultimo
como Presidente e aña aki a
toca turno pa instala Lativa
Maduro.

Durante e mesun anochi aki,
presidente saliente Sherel-
lise Ras a duna su aprecio na
e board cu a dun'e respaldo
durante e aña kiwanistico
2018-2019. Un aprecio tam-
be bay na miembro nan cu a
destaca y aki a reconoce Lidia
Da Silva como Rookie of the
Year. Kiwanian of the Year
a keda den persona di Carl
Quant kende a haci su max-
imo esfuerso durante ultimo
aña, principalmente cu e parti
di fundraising. Tambe riba e
anochi aki a yama bon bini na
un miembro nobo na e famia
di KYPA cual a wordo instala
oficialmente Reyna Abreu.

E Directiva di KYPA pa aña
2019-2020 hunto cu tur e
miembro nan ta cla pa sigui
yuda nos comunidad di Aru-
ba, en special nos muchanan,
manera cu KYPA a bin ta haci
pa varios aña caba.

